



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. II. Amor Christi ergà judam lansenij severit atem convellit.

urn:nbn:de:hbz:466:1-39351

492 LIBER SEXTUS
SECTIO II.

*Amor, zelus, cura Christi Salvatoris
erga filium Perditionis, seu Iudam
Proditorem, Jansenianæ propositio-
nis severitatem convellit.*

SI qui reproborum diabolo componendi fue-
rant à Jansenio; primum obtinuerit is, qui
filius perditionis appellatus est, cui satius, veri-
tate complorante, fuerat, non esse natum, imo
ob nequitiam *Diabolus* dici meruit. Nec hujus
tamen, licet internò bellò vastati ac reprobi
discipuli Magister optimus, salutem neglexit, sed
amavit, zelavit, curavit, ut variis argumentis
probatum nobis exhibet Augustinus: Ut mirum
foret, si Augustinus idem assenseret, quod præten-
dit Jansenius, Salvatorem non magis orasse,
passum esse pro salute Justorum non perseverant-
ium, cum tantam curam gesserit etiam pro illo,
cujus jam manus erant in scelere. Benevolentiam
Redemptoris, affectum Salvatoris erga salutem
Proditoris, non ego, sed Augustinus prodat.

Primo, enarratione in psalm. 3. docet Davi-
dem fuisse Typum Christi ratione mansuetudi-
nis & dilectionis erga perduellum filium Absalon-
em; Absalonem verò figuram Judæ. Absalon
licet Patri rebellis, & Patris internectioni intentus,
Patris Davidis Pax dicitur. Et Judas Pax Christi.
Absalon Patris pax dicitur, quia Pater habuit pacem,
quam ille non habuit. Quærit, S. Augustinus, quo-
modò cum Patrem sit persecutus? Et respondet:
Quia in illo bello David pacatus fuit filio, quia eum
dolore planxit extinctum, dicens: *Absalon* filius
meus, quis mihi dabit mori pro te. Id Christo ap-
ponit

DE PROPOSITIONE V. 493

ponit Augustinus his verbis: *Ipsa Domini nostri tanta, & tam miranda patientia, quod eum tamdiu pereulit tamquam bonum, cum ejus cogitationes non ignoraret, eum adhibuit ad convivium, &c.* Quod denique in ipsa traditione ejus osculum accepit, bene intelligitur pacem Christum exhibuisse traditori suo, quamvis ille tam sceleratae cogitationis interno bello vastaretur. Et ideo Absalon Patris pax dicitur, quia Pater habuit pacem, quam ille non habuit. David verum erga rebellem filium affectum gessit, pacem ei salutemque animae peroptavit, quantam potuit, vitamque pro illa profundere paratus. Quantò magis alter David qui venit querere omne quod perierat, desideratae pacis ac salutiferae affectionis Judæ ceu Absaloni symbola sincera exhibuisse credendus est, qualia nulli Dæmonum dedit, nec daturus est in perpetuas æternitates? Non fuere politica, non extima solum pacis oscula: propter quæ Judas Patris Pax dici potuit, sed vota cordis, affectus Medici, qui quantum in Medico fuit, Sanare venit ægrotum. Qui passurus exitia præmisit *Tract. 55.* obsequia, & illi non designatus est pedes lavare, in Ioan. cuius manum jam prævidebat in scelere.

Secundò, quia Dominus Jesus super damnatione Judæ turbatus est non carne, sed Spiritu, non misericordia sed misericordia stimulante. *Ubi autem urit dolor, ardet amor,* ut Augustinus ait; igitur si Judæ perditio Magistrum usserit, salutis amor accedit. Ergo rursus amore Vincente, quantum in Magistro ac Medico fuit, sanare ac Salvare peroptavit, ardenter forte siti quam à se calicem amnotum postulavit: Quoniam Spiritu turbatus fuit, & eodem quidem affectu pie-tatis ac miserationis quem à nobis, ac præsertim animarum Pastoribus desideravit. Nil horum simile erga dæmones gessit, nec à nobis gerendum

494 LIBER SEXTUS

dum imperavit. Sed cum hæc abstrusa, & My-
sterio quodam obnupta videantur, Africanus
Titan cuncta enubilet.

Atquè imprimis, eodem irradiante & Stoico-
rum tenebras dispellente didicimus, motus affe-
ctusque de amore boni & sanctâ Charitate ve-
nientes vitia non esse sed virtutes. *Quamobrem*
L.14.deCiv.
Dei c. 9.
etiam ipse Dominus in formâ servi agere vitam dig-
natus, adhibuit eos, ubi adhibendos esse judicavit.
Nequè enim in quo erat verum corpus & verus ani-
mus, falsus erat humanus affectus. Cum ergò in ejus
Evangelio ista referuntur, quod suprà duritiam cor-
dis Iudeorum cum ira contristatus est quod dixerit:
Gaudeo propter vos, ut credatis, quod Lazarum
suscitaturus etiam lacrymas fuderit, &c., Non false
utique referuntur.

Quali autem ergà Judam Salvator affectu pro-
cesserit, elucidat idem Doctor hæc verba Evan-
gelii Commentatus: *Turbatus est Spiritu & dixit:*
Amen dico vobis: qui à unu ex vobis tradet me.

Sicut ergò tunc ejus anima turbata est horâ
propinquante Passionis: ità etiam nunc, Exi-
turo Iudâ atquè venturo & propinquante tantò
scelere Traditoris turbatus est Spiritu. Turbatus
est potestatem habens ponendi animam suam &
potestatem habens iterum sumendi eam. Turbatur
tam ingens potestas, turbatur petræ firmitas. Qui
transfiguravit Corpus humilitatis nostræ Corpori glo-
riæ sua, transfiguravit eam in se effectum animæ
sua..... Nos ipsos in illius perturbatione videa-
mus... pereant argumenta Philosophoram, qui negant
in sapientem cadere perturbationes animorum. Stul-
tam fecit Deus sapientiam hujus mundi: &, Dominus
novit cogitationes hominum, quoniam vanæ sunt.

Turbetur plane animus Christianus, non miseriâ
sed misericordiâ timeat, ne pereant homines Christo,
contristetur, cum perit aliquis Christo, laceretur cum
acqui-

DE PROPOSITIONE V. 495

acquiruntur homines Christo , concupiscat regnare
cum Christo.

Quare ? quia Christus transfiguravit etiam in se
affectum infirmitatis nostrae compatiens nobis affe-
ctu animæ suæ.

Hanc perturbationem sanctorum suorum , per Tract. 60.
Schismaticos & Hæreticos futuram quodammodo
prænuntians Dominus præfiguravit in semet-
ipso , cum exituro Iudâ homine malo , & Commix-
tionem frumenti , in qua diu fuerat toleratus , se-
paratione apertissimâ relicturo , turbatus est non car-
ne , sed Spiritu . Spiritales enim hujusmodi scanda-
lis non perversitate , sed Charitate turbantur :
Turbatus itaque est Jesus , & protestatus est &
dixit : Amen dico vobis quia unus ex vobis tradet
me. Unus ex vobis numero , non merito , specie non
virtute ; Commixtione corporali , non vinculo spiri-
tuali : carnis adjunctione , non cordis socius unitate .
Proinde non qui ex vobis est in vobis est , sed qui in
vobis est , exiturus est. Doluit ergo Jesus , qui dol-
lere nos docuit exemplô suô , quia periret à se
Judas ; concupivit ut secum regnaret Judas , &
quoad potuit , oravit & fecit , ne periret Judas .
Non fuit falsus in Veritate Incarnata , & Cha-
ritate Crucifigenda , dum viveret Judas , affectus .

SECTIO III.

Confirmantur prædicta urgentioribus
pro Iude salutे expressionibus

S. Augustini.

Non modò quando venit (Judas) ut traderet Aug. in
eum , osculum illi dedit , ut appareret de illo ps. 40.
dictum : HOMO pacis meæ ; sed & salutem dedit , Tract. 6.
ut Augustinus loquitur : Medicus non daret vene in Ioann.
num , salutem medicus dedit , sed indignè accipien-
do ,